

آبونه شرايطي

ممالك عثمانيه ده سنه لکي (٦٥)، آلتی
آيلنی (٣٥) غروشدر .
ممالك اجنبيه ده سنه لکي (١٧)، آلتی
آيلنی (٩) فرانقدر .

اداره خانه

باب عالی جاده سنده دائره مخصوصه

امطارات

آبونه بدلی پشیندر .

مسلكه موافق آثار مع المنونيه قبول
اوانور . درج ایدله یین یازیلر اعاده
اولونماز .

البريد

سنة ١٣٣٠

دینی ، فلسفی ، علمی ، ادبی هفته لاق مجموعه اسلامیه در .

صاحب و مدیر مسئول

باش محرر

والله یهدی من یشاء الی صراط مستقیم

اشرف اربیب

محمد عاكف

امطارات

رساله مزدن آاندینی کوسترک
شرط یله ستون یازیلر هر هانکی بر
غزته طرفندن اقتباس اولونه بیلیر .

مکتوبلرک ، امضالرک واضح و

اوقوناقلی اولسی و آبونه صره
نومروسنی محتوی بولونسی لازمدر

ممالك اجنبيه ایچون آبونه اولانلرک
آدرسلرینک فرانسه جه ده یازلمسی
رجا اولنور .

پاره کوندرلدیکی زمان نه یه دائر

اولدیغنک واضحاً بیلدیرلمسی رجا
اولنور .

اتبعون اهدکم سبیل الرشاد

مَقَالَات

دار الخلافه قاپوسنده صارقندیلیق ایدن عارسزلر

چناق قلعه نك انكلیز و فرانسز دونماری طرفندن بلا نتیجه بومباردمانی باشلادینی کوندنبری شرق و غربك كوزلری اردوی خلافتك کوستره جکی عزم دلیرانه بی و تاریخ عثمانی به ضم ایدم جکی مناقب حماسی مشاهده قوبولدی : بو بک طبیعی برشی ایدی . چونکه چناق قلعه نك قارشیسنده دشمنلر نك کوستره جکی یاس و هزیمتی متعاقب حرب حاضر بشقه برصفحه کیره جکدر . اوراده احراز ایده جکمز قطعی مظفریتك نتیجه سنده انکلتزه بریحق عصردن بری دیلرده داستان اولان حاکمیت بحریه سینه وداع ایدم جک؛ فرانسه او مغرور باشنی ذلت و مسکنتله اکه جک ؛ روسیه هر درلو مظاهره و معاونتدن محروم قاهره بی تاب بر حالدده سرفرویه مجبور اوله جقدر . الحاصل حق و عدالت قلیجلی بوسایه ده کمال اطمنان ایله وظیفه لرینی ایفاده دوام ایتدکری حالده صلح و مسالته ، فلاح و سعادت طوغرو اک متین خطوه آتیه جق و بی طرف اولانلر استقبالی واضح بر صورتده کوره نك خط حرکتلری آکا کوره تعین ایده جکدر .

چناق قلعه نك قهرمان مدافعلری احراز ایتدیگری ایلك ظفرله بوغازك ناقابل سرور اولدیغی دشمنلر مزه بک ایم بر صورتده اوکرتدیله . دشمن دونماری آرتیق ایسترسه بر کره ده طالعنی تجربه ایده بیایر . فقط - بعون الله - خسرانندن ، اضمحلالدن بشقه برشی قازانه میه جقدر . چونکه چناق قلعه مدافعلری اثبات ایتدیله که هربری :

ولست ابالی حین اقتل مسلما
علی ای جنب کان فی الله مصرعی

قولنك ماصدقی اولان برحماسه و غیرت اسلامیه ایله باب خلافتی ضیانت ایدیورلر . قارشودن دشمن دونماری کورونور کورونمز استحقاکملرک ایکی طرفنده اذانلر او قونور ، هر رینک جنبنده بر قرآن کریم اولان اسلام مجاهدلری تکبیرلرله طوب باشنه قوشیورلر . بویه فداکارانه بر عزم ایله ، بویه نورلی بر ایمان ایله جهاد ایدم بهادرلر البته اللهم نصرته شایاندرلر .

چناق قلعه مظفریتك نتایجی جهانشمول و بتون بشریتك مقدراتی ایله علاقه داردر . بشریتك مهم بر کتله سنی ، جهانك بیوک بر قسمی حاکمیتلری آلتنه آله رقی بجه و حشتمده ایکندن انکلیز ، فرانسز و روسلرک جبارلقلری صارصیله جق ، بیدرپی نابود اوله جقدر .

انکلیز و فرانسز لرک ، چناق قلعه مقبر ججیمیسنه کومه جکلری توتلر ، دیگر قوتلرک میدانه چیقمنی و متحداً دشمنلر نك اوزر لرینه بوکانه نك آنلرک هزیمت قطعیه به دوچار اوللرینی تسهیل ایده جکدر . بر

جهتدن خلافت اردوسی سویش قنالی ، انکلیز لرک بوغازلرینی صیقیورکن ، اهراملرک تپه سینه علم توحیدی دیکورکن ، قفقاسیاده موسقوفانی قطعی انهمزاده دوچار ایدیورکن ؛ دیگر جهتدن آلمان متفقلمن انکلیزلری آطه لرنده حبس ایدرک آجاغه محکوم ، شمالده موسقوفلری ، جنوبده فرانسزلری پریشان و مغلوب ایده جکدر . بصورتله جهان بک بیوک بر انقلابی سیره باشلایه جقدر .

کورولپورکه معظم اردومزک وظیفه سی بک بیوکدر . فقط هیج شبهه یوق که اردومزک ایمانی ده بیوکدر . ده بیوک وظیفه لری درعهده ایتکه کافیدر . بوکون اسکی مجاهدین اسلامیه نك حماسه و بسالته اردومز بر کره ده تاریخ مفاخر مزه قید ایدیور . و او تاریخک اسکی کوشنی یکیدن طوغبور . قهرمان محمد چاووش بوکون جهاد ایدم اردومزک بر نمونه شهامتیدر .

مسلمانانك انتقامنی اویله آتشین و خارق العاده بر سائق ذی قدرت ایله آلمق ایچون بودرجه فداکارانه جهاد ایدم بوشانلی غازی لسان حالیه اسکی بر مسلمان شاعرینك :

تأخرت استبق الحیاة فلم أجد
لنفسی حیاة مثل أن أقدماً

قول حکیمانه سنی ترنم ایدیور .
ایشته بتون اردومز حیات اوغرنده اولومی استحقاق ایله ملتته حیات قازانیور .

بویه بر اردونك عهدده حیمه باب خلافتك محافظه و صیاتی تودیع ایدلمشدر . اونی ، اولایتلر ل ایمانی محافظه ایتدیکی کی ، محافظه ایده جکدر . و انشاء الله اوبیان ایتدیکمز نتایج دسترس و بشریتك منجیسی صیراسنه داخل اوله جقدر . بونی ایمانلی اردومز دن بکله مک حقمز واردر . چونکه انکلیز ، فرانسز و موسقوف سیاست و قوتی آنجق بوسایه ده افلاس ایدم جک و عالم کی بر دوره تاریخه ، بر دوره فلاح و سعادت مظهر اوله جقدر .

مصرلی

عمر رضا

عالم اسلام و ائتلاف مثلث

ائتلاف دولتلری بو آنه قدر کرک حرباً ، کرک سیاست بر ایش کورمه دیلر . روسیه و فرانسه نك مغلوبیتلری کوندن کونه تحقق ایدیور . آلمان ، اوستریا ، عثمانلی سلاحلرینک فائقیتی ، غالبیتی بیطرفلرجه درجه ثبوت و ارمشدر . مازوریا ، آپیر ، چناق قلعه مظفریتلری بر برینی ولی ایدوب طوردی . یوزبیکلرجه مقتول و اسیر ، کلیتی غنائم آندی . بوغازده کی قلاع و استحکاماتك قوت و متناظرله ، قهرمان مدافعلر نك درایت و ثباتلری یالکز اوروپاده دکل ، جمله جهانده ولوله انداز اولمش و عثمانیلرک بوکولر قوللره ، بیلمساز عزم و متانتته مالک اولدقلری بر

آق دکزده کی حاکمیت موهومه بحریه لرینگ جانسه او فوروب محاربات بحریه خاعه چکه جکلردر .

قوای بریه کلنجه بویکی دساس و سرسری حکومتک یوز بیکلرجه دکل، برتک عسکر تدارک ایده بیللمری محالدر . ویزه لوسک سقو طیه (غوناریس) قاینه سنک سرکاره کجسی مدعیاتمک ادله باهره سندندر . ایتالیا - آوستریا مناسبات رسمیه سنه باقیلیرسه، الیوم هراییکی حکومت آره سنده شو سوک کونلرده رسمی براتلافنامه نك عقد و امضایلدیکی اکلایلمقده و حتی (ابره دننا) طرفدارلرینگ سکوتلری ده بویه بر اتفاق ماهیتی تأیید ایلمکده در .

رومانیا و بلغارستانه کلنجه، برنجیسی الآن متردانه برطرز سیاست تعقیب ایتمکله دور اندیشک کوستردیکندن، وایکنجینک ایسه دولت علیه ایله متفقلرینه لایفک بر صورتده مربوط بولدیغنده شبهه یوقدر .

عالم اسلامک حرکات و سکنا تنه کلنجه بوکون مصرشایک ایله جنوبی آره سنده کی روابط و مواصلتک رسماً مقطع اولدیغنه باقیلیرسه، سودانده انکلیرلر علیه عظیم برقیام و غلبانک حکم فرما اولدیغی آکلایلیبر .

ایرانده کی جریانده یسنه ائتلاف علیه سنده بول بول بول آلمقده و مجتهدلرک، اهالینک دولت علیه و جهاد لهنده کی نمایشلریله تمایلری ایکی کره ایکی درت ایدرجه سنه چیز ثبوته وارمقده در . بناء علیه هر هانکی قاینه اولورسه اولسون ایرانده مطلقاً افکار عمومییه استناد ایتمک مجبوریتنده در که عکس تقدیرده سقو طی محققدر .

هندستاندن آمریکا و آوروپا طرفیه - حتی آره صیره انکلیر غزته لرینگ اعترافیه ده - آلدیغمز خبرلر هند اهالیسنک انکلیرلرک زعم ایتمکلی کی بکده بوش او طور میهرق هان هر طرفده و خصوصیه پنجاب، سند و قالکوته جهتلرنده آدیم باشنده انکلیرلر قارشى مشکلات و ایجاد ایتمکده اصلاً و اھال کوسترمدکلی اکلایلمقده در .

باقین زمانده ایرانک وضعیتی تحقق ایتمکدن سوکره همه حال افغانستانک ده سکوت ایتیه چکی بدیهیدر . هر حالده بو محاربه نتیجه سنده انکلتره نك تلافیسی محال بک جوق بویوک ضررلره اوغرایه جفی طبعیدر . مؤتلفلر بیننده ده شیمیدین باش کوسترن اختلاف و مجادلات هر اوج حکومتک پریشان و یتاب اولدقلری کوستریبور . ایلروده انکلتره نك تک باشنه قالب هیچ بر متفقه مالک اولیه جفی تخمین ایدن سیاسیونک عددی کیتدکجه زیاده لشیور . انکلتره نك کندی متفقلرینه قارشو حربک بدایتندن بو آنه دک چویردیکی انترقیه ایله اوینادینی روللر یواش یواش تظاهر ایتمش و کندیسنی مؤاخذه به باشلامشدر . بوغازلرک قبالی طوروب ، انکلتره و فرانسه نك برشی بابه ماملری هر حالده بوکون دکسه یارین همه حال روسیه یی المانیا و متفقلریله بر صلح انفرادی به سوق ایتمی ضروریدر . تک باشنده قاله جق اولان فرانسه نك المانیا و اوستریا به قارشو قاج کون طیانه بیه چکی جای سسؤالدر . قالدیکه انکلتره ده

دها هر کسه - خصوصیه غدار دشمنلره - کوستردی . انکلتره و روسیه نك بالقانلرده صرف ایتمکلی مساعی و تشبثات دیسه کارانه هپ بوشه چیقدی . الآن آنلر بیطرفلقلری محافظه ایتمکده ثبات ایدیورلر . روسیه نك، انکلتره نك بوتون پاره لری ، پروپاگاندا لری، و عدلری بوشه چیقدی . چناق قلعه بومبارمانندن ده بکلدکلی نتیجه سیاسی حاصل اوله مدی . هر کس بوکون کندی دردی دوشونمکده و آیتسنک تأمینیه بکله مکده در . چناق قلعه تعرضندن غایه و مقصد اوله رقی بو آنه دکن اکلایشیلان بر حقیقت واریسه، فرانسه و انکلتره نك صرف دولت علیه ایله متفقلری آره سنده کی روابط و مواصلتی کسمک و استانبولی تهدید ایتمکله بالقانلری کندی لهلرینه چویرمک و عالم اسلامی قورقوتق ایتمش . جناب حقه حمد و ثنار اولسون که عثمانی بطاریالرینگ شاشمز کولله لری دشمنلر منک، بوتون آمالنی بیقدی ، کیلرخی دهشتلی ضربلره دکزک اعماقده کومدی ، بزمله اکلنمه نك قولای برایش اولدیغی فعلاً آکلاندی .

آلمانیاک منابع عسکریه سیله ثروتی دقیقه دن دقیقه نشو و نما بولمقده و آرمقده اولوب، قحط و مضایقه آنارندن اصلاً متأثر دکلدلر . بوکون آلمان ملتک حرب استقراضی اسهانه ویردکلی و بو صورتله دولت متبوعه لرینه وقوع بولان معاونت لرینگ مقداری اون هیلار مارقه، یعنی بش یوز ملیون عثمانی لیراسنه بالغدر که اقتصاداً آلمانیا دولتی کله جک سوک بهاره قدر بو پاره ایله دشمنلرک کوکسنه قورشون صابلايه بیه جک و عسکرینی تزید و اعاشیه مقتدر اوله جقدر . اوستریا - لیرک قاربانلرده و غالیچیا ده کی متبادی مظفریتلریله دشمنی بوسکور تمکده کی مهارت لری بوتون عالم آلفیشلامقده در . عثمانیلرک قافقاسیاده ، مصر حدودنده ، عراقده ، ایرانده کوستردکلی جلادت و شهامت لری آتیا یالیزی کله لرله تاریخ حربیه کجه جک قدر دکری واردر .

انکلتره چناق قلعه بوغازینه یارم ملیون عسکر قره دن ایندیرمکجه و آیلرجه عثمانی قوای کلیه سیله چاریشمدقجه برشی بابه میه حقدر . انکلتره و فرانسه نك آق دکزده کی قوای بحریه لریله سفائن حریره لرینگ مقداری تام (۱۰۱) عدده بالغدر که، بو آنه قدر بکر میسندن زیاده سی قسمماً باتمش و قسمماً صف حربدن چکلمک و تمیر ایچون حوضلره کیرمک مجبوریتنده بولمشلدر . آلتی آبه قدر خسار زده اولان کیلر بر ده میدان حربده کندیلری کوستر میه جکلردر . متباق سفائن ایسه بر قاجی بویوک و ایشه یارار اولدقلری حالده، قصورلری کوچوک سفینه لردر که، آنجق بویوک سفائن حریره معیتنده ایش کوره بیلیرلر . ایکنجی بر هجوم و پلان نتیجه سنده - که اگر عقلاری باشلرنده ایسه بوکا تشبث ایتیه جکلردر - بکر می سفینه ده غائب ایدمک اولورلرسه، او زمان اوستریا و ایتالیا دونامالری در حال عرض اندام ایدوب انکلتره و فرانسه نك

شیمیدین عسکر سزلیکه ، عمله سزلیکه محکوم اولمده و دیگر طرفدن جهان ایله جاری اوله کن معاملات و مناقلاتی المان تحت البحر لریناک صولت و هجومندن عطات و عقامته محکوم اولمش وارزاق سزلیقه مالزمه سزلیک یوزندن آوازه شکایتی عیوقه یوکساشدر . هله مصری تخلیصه مأمور اولان عثمانلی اردوسنک قباله طوغری وقوع بوله جق هجوملری شیمیدین انکلیزلری تتره تمکده درکه ، بوموفقیتهک نتیجه سی یالکنز خطه مصریه نیک خلاصیه قالمه جق ، محتشم ، واسع اولان هندستانک ربه اسارت و جبروتدن قورتولمسه یاردم ایده جکی وانکلیزلری وارلغندن ، حیانتدن محروم ایله جکی شبه سزدر . چناق قلعه بوغازی روسیه نیک حلقومی مثابه سنده اولدینی مثلاو (سوش قنال) یده انکلیز نیک نفس کاهیدر . حداً ثم حداً بونلرک بری الیوم دولت علیه نیک تحت تملکنده ، دیگری ده مطمح انظارینی تشکیل ایلیورکه ، ایلیک بهارک حلویله انکده تحت تسخیره کیره جکی قویاً مأمول بولمقده در . بناء علیه بز و متفقر من اللهم لطف و کریمه بوکونده ، یارینده - حتی صلح ماصه سنک باشنده ده - غالب موقعنده ؛ دوشمنلر من مغلوب و مقهور موضعنده اولسهر کر کدر .

س . م . توفیق

شیرین

ائتلاف مثلته قارشی جهاد اسلام

قره دکز : تبلیغات رسمییه :

۵ مارت : دوغنامزک برقمی بوکون اوکلدن اول قره دکزده قریم شبه جزیره سنک جنوب ساحلنده (سه نودوسیا) قصبه سنک غریبنده کائن بحریه اعمالخانه لریله طورپیدو پولیغوتی بومباردمان ایدرک یاقشدر .

چناق قلعه :

۵ مارت : بوکون اوکلدن اول دشمن دوغنامی بوغاز بطاریه لرزه قارشوشدته آتش آچدیله . موققیته مقابله اولمقده در . بعدالزوال ساعت ایکی ده فرانسز (بووه) زرهلیسی مدخل قریبنده باطیرلری . محاربه نیک تفصیلاتی حقتده هنوز معلومات کله مشدر .

ایکنجی تبلیغ : بوکون اوکلدن اول ساعت اون بر بجمده چناق قلعه بوغازنده باطاریه لرزه قارشی آتش آجان دردی فرانسز اولق اوزره اون آتی زرهلی ، اوج قروواوزور و متعدد طورپیدو بوظلردن سرکب دشمن دوغنامسندن برقمی ،

اوکلدن سوکره ساعت اوچده باطاریه لریمزک آتش منزلی خارجه چکیلمش وساعت آتی بقدر غایت فاصله ایله بومباردمانه دوام ایدن سکن زرهلی بالاخره بومباردمانه نهایت و پروب اوزاقلاشمشدر . فرانسز « بووه » زرهلیسندن ماعدا دشمنک بر طورپیدوسی باطیرلری . انکلیزلرک « ایره زبستیل » سیستمده زرهلیسی ، جدی صورتده خساره اوغرادیلهرق سانجاق طوپلری صوبه کیرمش بروضیته میل ایدوب حرکتی غیرمقدردن قالمش و « آفریقا » اسمنده کی زرهلیسی ده عین صورتده خساره اوغرایوب بر طرفه میل ایدرک اوزاقلاشه بیلمشدر . دیگر دشمن سفینه لرینه واقع اولان متعدد اصابتلرک درجه خساراتی معلوم اوله مامشدر . یدی ساعت دوام ایدن بوشدتی محاربه ، له الحمد باطاریه لریمزک غالبیته نتیجه . لشمدر . متروک ایکی قبشله ایله بعض سیرل افساسی جزئی خساره اوغرامقندن باشقه بر ضرریمز بوقدر .

۶ مارت : بوکون چناق قلعه بوغازنده سکونت تامه واردر . آغیر صورتده خسارنده اولدینی بیلدیریلن « ایره زبستیل » و « آفریقا » سیستمنده کی انکلیز زرهلیلری کجه این بوغاز مدخلی جوارنده باطاریه لریمزک آتشلریله باطیرلری . دشمنک آغیر صورتده خساره اوغرایان دیگر بر سفینه حریره سنک بوزجه آطه یه طوغری سوروکندیکی طیاره جیلیمز طرفندن کورولمشدر . دونکی بومباردمانک شدته رغماً استحکاماتمزه کی خسارات مادیه حد اولسون شایان حیرت بر درجه ده آزر . بوتون باطاریه لریمز هر دایم آتسه حاضر بر حالده بولنیور . انسانجه اولان ضایعاتن اسیه ظن اولماز درجه ده جریبدر . دونکی تعرض دشمنه ، باطیرلان طورپیدوسندن و ویریلان خسارات سائره دن بشقه جماعاً قرق بش بیک طون مقدازنده سوک سیستم اوج زرهلی یه بیوک کوچک یوز طوپ و (۲۵۰۰) جانه مال اولمشدر .

۷ مارت : چناق قلعه محارباتندن اکلشده یغنه نظراً باطامازدن اول فرانسز (بووه) زرهلیسنه طوپلریمزدن بیوک چاپلی ایکی سرمی اصابت ایشدیکی یان طرفدن اجرا ایدیلان ترصداتله قطعاً تعین و تحقیق ایشدر . انکلیز (کوبن الیزابت) زرهلیسنه او بوسلریمزدن بش ، (انقل کسپیل) زرهلیسنه درت سرمی اصابت واقع اولمشدر . طرفردن یالکنز براوزون منزلی طوپ خساره اوغرامشدر . افراد ضایعاتی بک آرز . تقریباً ۲۰ شهیددن عبارتدر . بوکون دشمن دوغنامی چناق قلعه یه قارشی هیچ بر تشبده بولنممشدر .

۸ مارت : بوکونده چناق قلعه بوغازی قارشوشونده کی دشمن دوغنامسناک الك اوفق بر تشبیبیله واقع اولممشدر . دیگر دارالحرکاتلردن ده شایان تبلیغ هیچ بر خبر بوقدر .

۹ مارت : چناق قلعه سکونت واردر . (مادرو) آطه سنده بر فرانسز زرهلیسی (کورونشه نظراً غونووا) قاره یه او طور مشدر . [مادرو آطه سی بوزجه آطه نیک شمالنده غیر مسکون اوقاجق بر آطه در .]

۱۰ مارت مختلف دارالحرکاتلرده شایان تبلیغ یکی بر حادته اولممشدر .

بلغارستان و رومانیاده کی قارشلر مزه

سیل الرشاد آبونه بدلاتی فلهده بالقان اداره خانه سنه کوندر مکز رجا اولنور . بالقان اداره خانه سی سیل الرشاده یکدن آبونه دخی قید ایدیور . سیل الرشادک بلغارستان و رومانیا ایچون ابونه بدلی سنه لکی درت مجیدی ، آتی آیلنی ایکی مجیدی بر چاریک در .